



CITIZENS' INDEPENDENT

# TRANSPORTATION TRUST

MOVING  
FORWARDMIAMI-DADE  
COUNTY

## Mesaj Prezidan an



Pandan mond lan ap kite pandemi a dèyè, nou te kòmanse ane 2021 kote nou te akonpli anpil nan reyalizasyon Plan Transpò Pèp la ki gen ladann livrezon dènye pè nouvo veyikil Metrorail yo, epi lansman pwojè transpò publik rapid Koridò Sid la.

Nouvo flòt veyikil Metrorail la se yon envestisman enpòtan nan lavni sistèm transpò publik Konte Miami-Dade la, ki ofri yon flòt veyikil ki kapab fè fyète pasaje transpò publik yo epi ke yo va jwi pandan anpil jenerasyon pi devan. Se pou sa Gwoup Transpò Endependan Sitwayen (Citizens' Independent Transportation Trust, CITT) ap kontinye siveye pou gen bonjan antretyen ak swen pou gwo envestisman sa a.

Nou ap fè tou anpil pwogrè ak koridò transpò publik rapid yo ki endike nan Plan Estratejik Transpò Publik Rapid nan Zòn Miami an (Strategic Miami Area Rapid Transit, SMART), ki gen ladann Koridò Sid la tou.

Antanke youn nan koridò yo ki nan Plan Transpò Pèp orijinal la, mwen kontan CITT te reyisi apwouve anviwon \$100 milyon nan fon taks siplemantè 'mwatye-santim' lokal la pou konsepsyon ak konstriksyon li. Developman Koridò Sid la va amelyore mobilite anpil, favorize kwasans ekonomik sou tout koridò a epi amelyore sekirite ak kote partik sèvis transpò publik yo.

Li va ofri yon koneksyon transpò publik san enteripsyon nan sistèm Metrorail nou an ke yo te pwolonje an 2012 rive nan Ayewopò Entènasyonal Miami – yon ekstansyon ki te finanse ak lajan 'mwatye-santim' yo.

Antanke moun ki monte bisiklèt, mwen kontan anpil pou wè ke Koridò Sid la va gen yon chemen izaj pataje ak enstalasyon pou bisiklèt nan tout estasyon yo, sa ki pral amelyore konektivite premye/dènye mil la ak sèvis transpò publik rapid Konte a.

Mwen gen konfyans ke lè publik la va fè eksperyans Koridò Sid la, pawòl la va gaye rapidman sou efikasite li epi sa va retire plis machin sou wout yo, pou ogmante mobilite nou epi fè anviwònan nou an vin pi pwòp.

Joe Curbelo, Prezidan  
Gwoup Transpò Endependan Sitwayen yo

## Konte Miami-Dade Resevwa Dènye Pè Nouvo Vagon Metrorail Yo



Ane a, Depatman Transpò ak Travò Publik Miami-Dade (DTPW) te resevwa dènye pè nouvo veyikil Metrorail yo, sa ki te konplete amelyorasyon flòt 136 veyikil li yo.

Nouvo flòt veyikil ki te finanse ak anviwon \$385 milyon taks siplemantè ki soti nan Plan Transpò Pèp la, te deja amelyore anpil fyabilite ak kalite sèvis sistèm Metrorail la.

Joe Curbelo, Prezidan Gwoup Transpò Endependan Sitwayen an te deklare: "Se yon envestisman ki trè enpòtan pou lavni sistèm transpò publik Konte a ak yon flòt veyikil ki kapab fè fyète pasaje transpò publik yo."

Asanblaj nouvo vagon yo te kòmanse an 2016. Yo te mete premye nouvo tren Metrorail la an sèvis vè lafen ane 2017, sa ki te fè nouvo premye vagon yo te an sèvis depi Metrorail te louvri an 1984.

## Amelyorasyon Sèvis Sou Demand Ap Ofri Plis Opsyon Mobilite

Nan prentan 2021, Konsèy Komisyonè Konte la (BCC) Miami-Dade te apwouve yon Òdonans ki bay minisipalite yo plis fleksibilite nan fason yo itilize fon taks siplemantè transpò yo, lè yo elimine yon egzijans ke sèvis minisipal sou demand yo itilize sèlman pou deplasman andedan sèten limit jewografik, ak lè yo te elaji zòn sèvis la jiska senk (5) mil.

Daprè nouvo Òdonans la, vil yo kapab founi sèvis sou demand bay lokal tankou klinik, famasi, makèt, sant anplwa, lekòl ak plis toujou.

Sèvis tankou Go Connect Konte Miami-Dade la, ap ede tou elimine mank konektivite premye/dènye mil la. Go Connect tou dènyèman te elaji pou founi sèvis nan zòn Dadeland, South Miami, Civic Center, West Kendall, ak Town of Cutler Bay. Pou jwenn plis enfòmasyon osijè Go Connect, vizite: [goconnect.miamidade.gov](http://goconnect.miamidade.gov).



Foto yo se koutwazi Depatman Transpò ak Travò Publik Miami-Dade ak Minisipalite Cutler Bay.

# Pwojè Transpò Piblik Rapid Koridò Sid La An Konstriksyon Kounye a



Nan kòmansman mwa jen 2021, Depatman Transpò ak Travo Piblik Miami-Dade (DTPW) te kòmanse travay sou Pwojè Transpò Piblik rapid Koridò Sid la, youn nan 6 koridò nan Plan Estratejik pou Transpò Piblik Rapid nan Zòn Miami an (SMART), epi youn nan koridò transpò piblik rapid orijinal ki nan Plan Transpò Piblik la.

Yo prevwa pou Koridò Sid la kòmanse fonksyone nan kòmansman ane 2023, epi li va ofri bonjan kalite sèvis transpò piblik ki va gen karakteristik ki sanble ak fonksyonalite sèvis tren. Gen ladan yo siyal preventif ak anbakeman peye davans ak anbakeman a nivo.



CITT te patwone pwojè sa a gras a apwobasyon \$100 milyon fon lajan taks siplemantè 'mwatyessantim' lokal pou konsepsyon ak konstriksyon pwojè a. Rès depans ki atenn prèske \$300 milyon pwojè a ap finanse gras a kontribusyon kontrepatti pou menm montan an ki soti nan kès gouvenman federal ak Eta a.



**Citizens' Independent Transportation Trust**  
Stephen P. Clark Center • 111 NW 1st Street, Suite 1010  
Miami, Florida 33128-1994  
305-375-1357 • [www.miamidade.gov/citt](http://www.miamidade.gov/citt)

## Gwoup La Ajoute 3 Nouvo Manm Epi Li Akeyi 2 Manm Ki Tounen

An fevriye 2021, Gwoup Transpò Endependan Sitwayen (CITT) te akeyi Onorab Peggy Bell, ansyen Majistra Minisipalite Cutler Bay, ansanm ak Meg Daly, Fondatris ak Prezidan Friends of The Underline, kòm manm Gwoup la.



Onorab Peggy Bell



Meg Daly



Mary Street, Avoka

Madam Bell ke yo te nonmen pou reprezante Distri 8 Komisyon Konte Miami-Dade nan Gwoup la, te jwe yon wòl enpòtan pou devlope Minisipalite Cutler Bay, dabò kòm Manm Konsèy la, epi kòm premye Majistra minisipalite a.

Madam Daly ap dirije òganizasyon ki pa pou fè pwofesiyonel ki rele The Underline – yon pwojè inovatè ki ap transfòme aktivman teren yo pa itilize ase ki anba Metrorail Miami an pou fè li tounen yon pak 120 kawo tou long, chemen pwomnad iben ak destinasyon atistik piblik sou 10 mil nan sant vil la menm. Madam Daly reprezante Distri 7 Komisyon Konte Miami-Dade la nan CITT.

Nan mwa me 2021, CITT te akeyi avoka Mary Street, ki reprezante Distri 5 Komisyon Konte Miami-Dade nan Gwoup la. Madam Street te viv anpil ane san machin, epi li te chwazi pou li mache, monte bisiklèt ak monte transpò piblik kòm mòd transpò prensipal li nan plizyè vil. Li fè pledwaye pou amelyore sèvis transpò piblik ak mobilite, sekirite ak aksè toupatou nan Konte Miami-Dade.

CITT te akeyi Manm ki tounen, Manm veteran Paul J. Schwiep, Esq., yon avoka ki ap travay nan Coffey Burlington, ki reprezante kounye a Biwo Majistra Konte Miami-Dade la; epi Alfred J. Holzman, ki reprezante kounye a Distri 6 Komisyon Konte Miami-Dade nan Gwoup la.



Paul J. Schwiep, Avoka.

Alfred J. Holzman

Gen opòtinité ki parèt tout tan pou patisipe antanke manm volontè nan Gwoup la. Nou ankouraje sitwayen ki ta renmen patisipe nan Gwoup la pou vizite sit entènèt nou an nan [www.miamidade.gov/citt](http://www.miamidade.gov/citt) pou jwenn plis enfòmasyon.

### Manm Gwoup Transpò a

Joseph Curbelo, Prezidan  
Oscar J. Braynon, Premye Vis-Prezidan  
Alfred J. Holzman, Dezyèm Vis-Prezidan

Onorab Peggy Bell  
Meg Daly  
\*Glen J. Downing, CFP®  
Ashley V. Gantt, Esq.  
Jonathan A. Martinez

\*Paul J. Schwiep, Esq.  
Marilyn Smith  
L. Elijah Stiers, Esq.  
Mary Street, Esq.  
Robert Wolfarth

\*Ansyen Prezidan

Pou plis enfòmasyon sou Plan Transpò Pèp la ak Transportation Trust, vizite [www.miamidade.gov/CITT](http://www.miamidade.gov/CITT).



Renmen nou sou Facebook CITIZENS' INDEPENDENT TRANSPORTATION TRUST • Suiv nou sou Twitter @GoCITT • Swiv nou sou Instagram @transportationtrust